

**Kw'izina
ry'Imana Allah,
Nyenimpuhwe
ku biremwa,
Nyenimbabazi
ku batoni bayo**

شركاء التنفيذ:



المحتوى الإسلامي



رواد الترجمة



جمعية الربوة



دار الإسلام

يتاح طباعة هذا الإصدار ونشره بأي وسيلة مع
الالتزام بالإشارة إلى المصدر وعدم التغيير في النص.



Telephone: +966114454900



ceo@rabwah.sa



P.O.BOX: 29465



RIYADH: 11557



www.islamhouse.com

Qor'ani ntagatifu, ni iki?

Qor'ani ntagatifu, ni amajambo y'Imana Allah, Umubungabunzi Rurema w'ibiremwa vyose, Yayimanuriye Uwahetuye Abavugishwamana n'Intumwa, Muhamadi (nyakugira amahoro n'impuhwe z'Imana Allah); kugira imenyeshye ibiremwa ihangiro ry'iremwa ryavyo, ibirongore ku bikorwa birimwo imvo z'uguhimbarwa kwavyo mu buzima bwo kw'isi no mu bw'inyuma yo gupfa, iheze ibirokore mu magorwa yamaho mu nyuma yo gupfa. Qor'ani ntagatifu rero, ni co Gitabu camanuwe mu nyuma mu Bitabu vyamanuwe n'Imana Allah, kugira ishimangire ukuri kuri muri vyo, yongere isubirize amabwirizwa yavyo mu gushinga ayandi.

Qor'ani ntagatifu rero, ni icemezo kikaba n'igitangaro kizokwamaho. Ni n'icemezo c'ubutumwa bw'Intumwa y'Imana Muhamadi (nyakugira amahoro n'impuhwe z'Imana Allah), Imana Allah Yahigishije abantu n'Amajini, Ibisaba ko vyozana amajambo ameze nkayo, n'aho coba ari igisomwa kimwe gusa, biraheza birananirwa.

Qor'ani ntirigera ikomwacomwa ngo ivogerwe n'iminwe y'abahindagura amajambo; ntibirashika aho iyo minwe yohindura na kimwe muri ico Gitabu kuva aho kimanuriwe, haraciye ikiringo kirenga ibinjana 14 (imyaka

irenga igihumbi n'amajana ane irangiye) , kira noneho kizoguma kibungwabunzwe (gicungerewe) mu rurimi rw'icarabu camanuwemwo, aho Imana Allah ari Yo Yonyene Yishinze kugicungera ngo ntikivogerwe n'abagihindagura gushika ku musi w'iherezo.

Qor'ani ntagatifu, ni ryo tegeko rya mbere soko ry'ubwislamu, ikaba n'Igitabu c'amabwirizwa ngenderwako yisungwa mu gutunganya ubuzima bwa kiremwa-muntu, mu bihe vyose n'aho ari ho hose. Irarikira abantu kwiyegereza Imana Allah mu vyo bakora vyose mu kuyisenga itabangikanijwe n'ikintu na kimwe, kuko ari Yo Yonyene Rurema. Irongera igatomorera kiremwa-muntu ico cose akeneye kumenya ku vyerekeye Imana Rurema Allah, hamwe n'idini ry'ukuri nya kiremwa gitegerezwa gukurikira; iranatomora intango y'iremwa ry'isi n'ijuru n'ibiri muri vyo, n'iremwa ry'umuntu. Iranavuga ku vyerekeye ibinyegejwe ibiremwa, muri kahise no muri kazoza, ku vyerekeye kahise n'amateka y'Abavugishwamana (ba nyakugira amahoro y'Imana Allah), ukuntu Imana Allah Yabateye ingoga bakanesha abansi babo, nya bansi bagahona; harimwo amategeko ngenderwako ku bijanye no gutunganya amasengesho n'umubano mwiza mu bantu, ku bijanye n'amasezerano abantu bagiriranira hagati yabo, mu gutunganya

ivyerekeye ubuzima bwa misiyose, ku bijanye no gutsimbataza inyifato n'ingeso nziza hamwe no kwihaniza mu kwamirira kure inyifato n'ingeso mbi mu bantu; iranerekana iherezo ry'ibiremwa mu buzima bw'inyuma yo gupfa, ko rizoba hamwe ari mu Bwami bw'ijuru bwagenewe abemeramana, ahandi naho rikaba ari mu muriro udahera wagenewe abagenzwa n'akarenganyo kw'isi hamwe n'abagarariji.

Mu kwerekana rero akamaro gahambaye k'iki Gitabu Imana Allah Yamanuye mu rurimi rw'icarabu, Igategeka ko gishikirizwa ibiremwa vyose; musomyi muhire w'ikirundi! Turahimbawe no kugushikiriza , insiguro ya Qor'ani ntagatifu mu rurimi rwawe, kugira woroherwe kugitahura, maze ushobore na we gushikiriza abandi ivyo watahuyemwo. Ni ukuri umugwi wagiteguye, nta ko utagize mu kwita ku rutare kugira utahure insobanuro ya Qor'ani uheze uyisigure mu kirundi , maze urabishikako, n'aho bizwi ko urugero rwose umuntu yogezako mu gusigura neza, atoshobora guhetura ata kanenge insiguro zimbitse ziri muri Qor'ani , narirya yamanuwe ari igitangaza mu kuntu yubatse, mu buryo burengeye kure n'iyo ubushobozi bwa kiremwa-muntu. Uwoshaka rero kumenya ibirenzeko mu nsiguro zimbitse gusumba ziri muri Qor'ani ntagatifu, twomuhanura ko yokwiga

nantaryo icarabu yamanuwemwo, co soko ry'ubumenyi bwayo.

Harakagira amahoro Intumwa z'Imana, ishimagizwa ni iry'Imana Allah, Umubungabunzi w'ibiremwa vyose.

Urubuga ngurukanabumenyi rwagenewe Qor'ani ntagatifu
(www.quranenc.com)

Urashobora guca ku buryo bwa (QR) ukoresheje kamera ya terefone yawe, kugira ushobore gusoma insiguro ya Qor'ani ntagatifu mu rurimi rwawe rw'ikirundi

Turahimbawe rero n'ukwakirana urweze intererano hamwe n'ivyiyumviro vyanyu, mu ntumbero yo gutyorora insiguro ya Qor'ani, mubicishije ahagenewe intererano n'ivyiyumviro, imbere ya Aayah, ku rubuga ngurukanabumenyi rwagenewe Qor'ani ntagatifu (www.quranenc.com). Mu gihe woshaka kugira ico udushikirije rero, urashobora guca kuri e-mail yacu: info@quranenc.com